


Ўзбекистон Республикаси  
Адлия вазирлиги томонидан  
2020 йил “КАТ” март  
931 -сон билан  
“ДАВЛАТ РЎЙХАТИДАН  
ЎТКАЗИЛГАН”



**Ўзбекистон бариатрик  
ва метаболик хирурглар  
уюшмаси Тაъсисчилар  
йифилишининг  
2019 йил “23” декабрдаги  
1-сонли қарори билан  
“ТАСДИҚЛАНГАН”**

# ЎЗБЕКИСТОН БАРИАТРИК ВА МЕТАБОЛИК ХИРУРГЛАР УЮШМАСИННИНГ УСТАВИ

Тошкент – 2020

# ЎЗБЕКИСТОН БАРИАТРИК ВА МЕТАБОЛИК ХИРУРГЛАР УЮШМАСИННИГ УСТАВИ

## I. УМУМИЙ ҚОИДАЛАР.

1.1. Ўзбекистон бариатрик ва метаболик хирурглар уюшмаси (бундан буён матнда Уюшма деб юритилади) ўз аъзоларининг ҳуқуқлари ва қонуний манфаатларини ифодалаш ва ҳимоя қилиш мақсадида ташкил этилган нодавлат нотижорат ташкилоти ҳисобланиб, унинг ташкилий-ҳуқуқий шакли жамоат бирлашмасидир.

1.2. Уюшма ўз фаолиятини Ўзбекистон Республикаси Конституцияси, Ўзбекистон Республикаси “Нодавлат нотижорат ташкилотлари тўғрисида”ги, “Ўзбекистон Республикасида жамоат бирлашмалари тўғрисида”ги, шунингдек бошқа норматив-ҳуқуқий ҳужжатлар ҳамда мазкур устав асосида амалга оширади.

1.3. Уюшма ўз фаолиятини ошкоралик, коллегиаллик, ўзаро хурмат, тенг ҳуқуқлилик, ихтиёрийлик ва жамоат фикрини ҳисобга олиш, ижодий ҳамфирлилик тамойиллари асосида юритади.

1.4. Уюшма Ўзбекистон Республикаси Адлия вазирлигидан белгиланган тартибда давлат рўйхатидан ўтказилганидан сўнг юридик шахс ҳисобланади.

1.5. Ўз фаолият мақсадларига эришиш учун Уюшма бошқа юридик ва жисмоний шахслар билан шартномалар тузиши, мулкий ва шахсий номулкий ҳуқуқларга эга бўлиши ҳамда судда даъвогар ва жавобгар сифатида иштирок этиши мумкин.

1.6. Уюшма ўз номига, муҳр ва штампларига ҳамда белгиланган тартибда Ўзбекистон Республикаси Адлия вазирлигидан рўйхатдан ўтган рамзига, тегишли банкда ўз миллий ва хорижий валюта ҳисоб рақамларига ҳамда бошқа ўз фаолиятига зарур бўлган атрибутика ва реквизитларга эга бўлиш ҳуқуқига эга.

1.7. Уюшма ўз фаолиятини Ўзбекистон Республикаси ҳудудида амалга оширади.

1.8. Уюшма белгиланган тартибда Ўзбекистон Республикасининг барча ҳудудларида ўзининг ҳудудий бўлинмаларини ташкил этиш ҳукуқига эга бўлиб, улар белгиланган тартибда тегишли адлия органларидан давлат рўйхати ўтказилади ёки ҳисобга қўйилади. Шунингдек, улар юқоридаги тегишли норматив-ҳуқуқий ҳужжатлар ҳамда Уюшманинг устави, унинг раҳбар органлари томонидан қабул қилинган қарорлар, йўриқномалар ҳамда ҳудудий бўлинмалар тўғрисидаги низом асосида фаолият юритадилар.

1.9. Уюшманинг фаолияти номуайян муддатга ташкил қилинган.

1.10. Уюшма ўз мажбуриятлари бўйича ўзига тегишли бўлган барча мол-мулки билан жавоб беради. Давлат, давлат органлари, корхоналари ва муассасалари Уюшманинг мажбуриятлари ва қарзлари юзасидан жавоб бермайдилар. Худди шунингдек, Уюшма давлат, давлат органлари ҳамда



корхона ва муассасаларнинг қарзлари ва мажбуриятлари юзасидан жавоб бермайди.

**1.11. Уюшма тўлиқ номи:**

**Ўзбек тилида:**

**Лотин алифбосида** – O‘zbekiston bariatrik va metabolik xirurglar uyushmasi.

**Кирилл алифбосида** – Ўзбекистон бариатрик ва метаболик хирурглар юшмаси.

**Рус тилида:** Ассоциация бариатрических и метаболических хирургов Узбекистана.

**Инглиз тилида:** Association of bariatric and metabolic surgeons of Uzbekistan.

**1.12.** Уюшманинг доимий фаолият юритувчи раҳбар орган жойлашган ер (почта манзили): 100109, Тошкент шаҳри, Олмазор тумани, Фаробий кўчаси, 2-үй.

**1.13.** Уюшманинг раҳбар орган жойлашган ери ўзгарган тақдирда, бу ҳақда уни рўйхатдан ўтказган органга хабар беради.

## **II. УЮШМАНИНГ МАҚСАД ВА ВАЗИФАЛАРИ**

**2.1.** Уюшма фаолиятининг асосий мақсади мамлакатимизда бариатрик ва метаболик хирургияга оид илмий лойиҳаларни ишлаб чиқиш ва ўз аъзоларининг ҳуқуқлари ва қонуний манфаатларини ифодалаш ва ҳимоя қилишдан иборат.

**2.2.** Уюшма мақсадига эришиш учун қуидаги вазифаларни амалга оширади:

- ўз аъзоларининг ҳуқуқлари ва қонуний манфаатларини ифодалаш ва ҳимоя қилиш;

- Ихтиорилар, илмий ходимлар, ва шифокорларга янги хирургик даволашнинг усулларини ишлаб чиқаришда амалий ёрдам кўрсатиш;

- Новацияларни ишлаб чиқиш ва амалий соғлиқ хафсизлигida инновацияларни тарқатишида ва талқин қилишда кўмак бериш;

- Ўзбекистоннинг марказий ва регионал шифохоналарида бариатрик ва метаболик хирургияни янада такомиллаштиришга ҳамда уюшма аъзолари фаолиятида бариатрик ва метаболик хирургиянинг ривожланишига кўмаклашиш;

- ҳалқаро ва хорижий бариатрик ва метаболик хирурглар уюшмалари билан ҳамкорлик қилиш;

- Ҳалқаро бариатрик ва метаболик хирурглар уюшмасига аъзо бўлиш, бутунжаҳон бариатрик ва метаболик хирургларнинг конгресслари ва форумларида иштирок этиш.

## **III. УЮШМАНИНГ ҲУҚУҚ ВА МАЖБУРИЯТЛАРИ**

**3.1.** Уюшма белгиланган мақсад ва вазифаларни амалга ошириш учун қуидаги ҳуқуқларга эга:



- ўз қатнашчилари ва аъзоларининг хукуқлари ва қонуний манфаатларини ифодалаш ҳамда ҳимоя қилиш;
- ижтимоий ҳаётнинг турли масалаларига доир ташаббуслар билан чиқиш, давлат ҳокимияти ва бошқарув органлари тақлифлар киритиш;
- давлат ҳокимияти ва бошқарув органларининг қарорларини ишлаб чиқишида қонун ҳужжатларида назарда тутилган тартибда иштирок этиш;
- ўз фаолияти тўғрисида ахборот тарқатиш ва белгиланган тартибда оммавий ахборот воситаларини таъсис этиш ва тегишли лицензия (рухсатнома) асосида матбаа ва ноширлик фаолиятини амалга ошириш;
- қонунда белгиланган тартибда ўз рамзий белгиларини таъсис этиш;
- ўз фаолиятига тааллуқли масалалар юзасидан йигилишлар, конференциялар ва бошқа тадбирлар ўтказиш;
- қонун ҳужжатларига ва ўз уставига мувофиқ Қорақалпоғистон Республикаси, вилоятлар ва Тошкент шаҳри ҳамда туман ва шаҳарларда ўзнинг ҳудудий бўлинмаларини ташкил этиш ва улар фаолиятини таъминлаш;
- қонун ҳужжатларига мувофиқ ўз устав мақсадларига мос келадиган доираларда тадбиркорлик фаолияти билан шуғулланиш;
- қонун ҳужжатларида белгиланган тартибда солиқлар, йиғимлар ҳамда бюджетга ва бюджетдан ташқари фонdlарга бошқа тўловлар тўлашда белгиланган имтиёзлардан фойдаланиш.

### 3.2. Уюшма қуйидаги мажбуриятларга эга:

- амалдаги қонун ҳужжатларига риоя этиш;
- ўз мол-мулки ва пул маблағларидан фойдаланиш тўғрисидаги ахборот билан танишиш эркинлигини таъминлаш;
- нодавлат нотижорат ташкилот сифатида рўйхатдан ўтказувчи органни ўтказиши режалаштирилаётган тадбирлари ҳақида олдиндан хабардор қилиш ҳамда ўтказаётган тадбирларига рўйхатдан ўтказувчи орган вакилни эркин кириш имконини бериш;
- ўз фаолиятининг натижалари ҳисботини юритиш;
- рўйхатдан ўтказувчи, солиқ ва статистика органларига ўз фаолияти тўғрисида ҳисботлар тақдим этиш.

## IV. УЮШМА АЪЗОЛАРИ, УНГА АЪЗО БЎЛИШ ВА АЪЗОЛИКДАН ЧИҚАРИШ ШАРТЛАРИ ВА ТАРТИБИ ҲАМДА АЪЗОЛАРНИНГ ХУКУҚ ВА МАЖБУРИЯТЛАРИ

4.1. Уюшма аъзолигига, уларнинг ёзма мурожаатлари асосида 18 ёшга тўлган миллати, ирқи, жинсидан қатъий назар Ўзбекистон ҳудудида истиқомат қилаётган шахслар Ўзбекистон бариатрик ва метаболик хирурглар уюшмаси бошқаруви қарори асосида қабул қилинади.

Уюшмага мазкур уставни тан олган ва ҳурмат қилган Ўзбекистон Республикаси фуқаролари, чет эл фуқаролари ва фуқаролиги бўлмаган шахслар аъзо бўладилар ва барча аъзоларнинг хукуқ ва манфаатлари тенг равишда ҳимоя қилинади.



Уюшма аъзолигидан аъзоларнинг ёзма аризасига асосан ихтиёрий равиша чиқариш Ўзбекистон бариатрик ва метаболик хирурглар уюшмаси бошқарувининг қарори асосида амалга оширилади.

4.2. Аъзолар томонидан қонун ҳужжатлари ва устав қоидалари қўпол равиша бузилганда Ўзбекистон бариатрик ва метаболик хирурглар уюшмаси бошқарувининг қарорига асосан аъзоликдан чиқарилиши мумкин.

#### 4.3. Уюшма аъзолариниг ҳуқуқлари:

- Уюшма аъзолигидан чиқарилган аъзолар, бундан норози бўлган тақдирда, бу ҳақдаги шикоят билан Уюшманинг раҳбар органига мурожаат қилиш;

- ўз хоҳишига кўра уюшма аъзолигидан чиқиш;

- қонун ҳужжатларида белгиланган бошқа ҳуқуқлар.

#### 4.6 Уюшма аъзоларининг мажбуриятлари:

- таъсис ҳужжатларида ва ушбу уставда белгиланган талабларга амал қилиш ва олган мажбуриятларни бажариш;

- Уюшма фаолиятини олиб боришга ҳар томонлама кўмаклашиш;

- Уюшма томонидан ўтказиладиган кўргазмалар ва турли тадбирларда фаол иштирок этиш.

### V. РАҲБАР ОРГАНЛАР

#### 5.1. Уюшманинг раҳбар органлари қуйидагилардан иборат:

- Конференция;

- Бошқарув;

- Раис.

Уюшма раиси 5 йил муддатга Конференция томонидан сайланади.

Уюшма фаолиятини назорат қилиш учун Назорат-тафтиш комиссияси ташкил қилинади.

5.2. Уюшма Конференцияси – Уюшманинг олий раҳбар органи ҳисобланиб, у заруратга қараб, аммо беш йилда камида бир марта чақирилади. Конференция Уюшма аъзолари ёки Уюшма аъзоларидан сайланган аъзоларнинг делегатларидан иборат бўлади. Делегатларнинг квотаси ва сони конференцияни чақирувчи томонидан белгиланади.

Конференция Бошқарув ёки Назорат-тафтиш комиссияси ёки рўйхатга олувчи орган ташаббуси билан чақирилиши мумкин.

Рўйхатга олувчи орган томонидан олий раҳбар орган чақирилганда вакиллик нормаси ва сони муқаддам ўтказилган олий раҳбар орган йиғилишидаги тартибда бўлади.

Уюшманинг раҳбар органлари йиғилиши унда иштирок этиши лозим бўлган шахсларнинг учдан икки қисми иштирок этганда ваколатли бўлади ҳамда раҳбар органлари қарори унда иштирок этган шахсларнинг учдан икки қисмининг овоз бериши орқали қабул қилинади.

#### 5.6. Конференция ваколатларига қуйидаги масалалар киради:

- уставга ўзгаришиш ва қўшимчалар киритиш ҳамда уставни янги таҳrirда тасдиқлаш;

- Уюшма раисини беш йил муддатга сайлаш ва вазифасидан озод этиш;



- Уюшмани қайта ташкил этиш ва тугатиш тўғрисида қарор қабул қилиш;
- Уюшма раисининг ҳисоботини эшитиш ва қабул қилиш;
- Назорат-тафтиш комиссиясини беш йил муддатга сайлаш ва унинг ҳисоботини қабул қилиш;
- Уюшманинг стратегик масалаларини аниqlаш;
- Конференция уставга кўра Ўзбекистон Республикаси қонунлари ва Ўзбекистонда қабул қилинган халқаро ҳужжатларига зид бўлмаган бошқа масалаларни ҳам ҳал қилиши мумкин.

**5.7. Конференциянинг ваколатига кирувчи масалалар Уюшманинг бошқа органига ўтказилиши ёки берилиши мумкин эмас.**

**5.8. Бошқарув – Уюшманинг раҳбар органи ҳисобланиб, унинг йиғилиши бир йилда камида бир марта ўтказилади. Бошқарув таркиби Конференция томонидан беш йил муддатга тасдиқланади.**

**5.9. Бошқарув қуйидаги ваколатларга эга:**

- Уюшмага кириш ва аъзолик бадаллари микдорини белгилаш;
- Уюшма рамзини тасдиқлаш ҳамда унга ўзгартириш ва қўшимча киритиш;
- ҳудудий бўлинмаларини ташкил этиш ва тугатиш тўғрисида қарор қабул қилиш;
- ҳудудий бўлинмалар тўғрисидаги низомларни тасдиқлаш;
- Уюшманинг харажатлар сметасини ва штатлар жадвалини тасдиқлаш ҳамда Уюшманинг мол-мулкини тасарруф қилиш;
- Уюшманинг стратегик режаси асосида йиллик иш режасини ишлаб чиқиш ва амалга ошириш;

**5.10. Ўзбекистон бариатрик ва метаболик хирурглар уюшмасининг Назорат-тафтиш комиссияси:**

Ўзбекистон бариатрик ва метаболик хирурглар уюшмасининг молиявий-хўжалик фаолияти, маблағларни мақсадли сарфланиши устидан назоратни Конференция томонидан 3 кишидан иборат таркибда, 5 йил муддатга сайланган Назорат-тафтиш комиссияси амалга оширади.

Комиссия раиси ва аъзолари Ўзбекистон бариатрик ва метаболик хирурглар уюшмасининг бошқа фаолиятларида қатнашишлари, бошқарув ва раҳбар органлари таркибига киришлари мумкин эмас.

Назорат-тафтиш комиссияси режа асосида, бир йилда камида бир марта, шунингдек Конференция ёки Бошқарув қарорлари асосида режадан ташқари тафтиш қиласи.

Назорат-тафтиш комиссияси ўз фаолиятини амалдаги норматив-хукуқий ҳужжатлар ва мазкур устав асосида амалга оширади.

Назорат-тафтиш комиссияси фаолияти юзасидан ҳисоботлар Конференцияда кўриб чиқилади ва тасдиқланади.

**5.11. Ўзбекистон бариатрик ва метаболик хирурглар уюшмаси раиси Конференция томонидан 5 йил муддатга сайланади.**

**5.12. Ўзбекистон бариатрик ва метаболик хирурглар уюшмаси раиси үйидаги ваколатларга эга:**



- Уюшма фаолиятини бошқариш билан боғлиқ барча масалалар бўйича мустақил қарорлар қабул қиласди ва фаолиятни амалга оширади;
- Уюшма номидан конференция, симпозиум, съезд ва бошқа турли тадбирларда иштирок этади;
- Уюшма фаолиятига раҳбарлик қиласди. Уюшма мажлисларида раис сифатида иштирок этиб, уни бошқаради;
- Уюшма ходимлари ва бўлинмалар раҳбарларини ишга тайинлади ва ишдан бўшатади;
- Уюшма номидан ишончномасиз иш юритади;
- Уюшма номидан бошқа шахсларга ишончномалар беради;
- Уюшма ҳужжатларига биринчи имзо қўйиш ҳуқуқига эга бўлади;
- Уюшма фаолиятини яхшилашга ва юритишга оид лойиҳалар ишлаб чиқади ва Конференция мұхокамасига тақдим этади;
- зарур ҳолларда навбатдан ташқари Конференцияни чақиради;
- Конференция ва бошқарув қарорлари ижросини назорат қиласди ва бажарилишини таъминлади.

Уюшма раиси томонидан унинг ўз меҳнат таътилидалиги, вақтинча бетоблиги, хизмат сафаридалиги ёки бошқа сабабларга кўра ўз ваколатлари ва вазифасини вақтинча тўлиқ ёки қисман бошқа шахсга юклashi мумкин.

Уюшма раиси лавозимдан озод қилиниши, вафоти, ишдан четлаштирилганлиги муносабати билан ёки бошқа сабабларга кўра Бошқарув томонидан унинг вазифасини вақтинча бажарувчи тайинланиши мумкин.

## **VI. УЮШМАНИНГ МОЛ-МУЛКИ ВА ПУЛ МАБЛАҒЛАРИ ҲАМДА УЛАРНИ ШАКЛАНТИРИШ МАНБАЛАРИ**

6.1. Ўзбекистон бариатрик ва метаболик хирурглар уюшмаси, унинг ҳудудий бўлинмалари ва бошқа тузилмалар уставда кўрсатилган фаолиятларини олиб борилишини моддий ва молиявий таъминлаш учун бинолар, турар-жой фонди, транспорт воситалари, оргтехника, асбоб-анжом ва бошқа мулклар, пул маблағлари ва бошқаларга эгалик қилишлари мумкин, шунингдек Ўзбекистон бариатрик ва метаболик хирурглар уюшмаси ва унинг таркибидаги бўлинмалар ва бошқа тузилмаларнинг мулклари Ўзбекистон бариатрик ва метаболик хирурглар уюшмасининг умумий мулки ҳисобланади.

6.2. Ўзбекистон бариатрик ва метаболик хирурглар уюшмаси ва унинг ҳудудий бўлинмаларининг пул маблағлари ва мол-мулкини шакллантириш манбалари қуйидагилар:

- кириш ва аъзолик бадаллари;
- ташкилотларнинг ва алоҳида фуқароларнинг ихтиёрий равишда берган ҳомийлик маблағлари ва мулклари;
- уставга асосан семинарлар, маъruzalар, фестиваллар, кўргазмалар ва бошқа тадбирларни ўтказишдан тушган маблағлар;
- Уюшма таркибида тузилган тадбиркорлик фаолиятларидан тушадиган даромадлар;
- ҳалқаро ташкилот ва муассасаларнинг ҳомийлик маблағлари;



- фаолият йўналиши бўйича олингган Республика ва халқаро грантлар;
- Қонун ҳужжатларида тақиқланмаган бошқа тушумлар.

## **VII. ҲУДУДИЙ БЎЛИНМАЛАР ВА УЛАРНИНГ МОЛ-МУЛКНИ БОШҚАРИШ БОРАСИДАГИ ҲУҚУҚЛАРИ**

7.1. Уюшма тузилмасига унинг ҳудудий бўлинмалари киради.

Юридик шахс мақомига эга бўлган бўлинмалар ҳудудий адлия органларида давлат рўйхатидан ўтказилиши ва юридик шахс мақомига эга бўлмаган бўлинмалар ҳудудий адлия органларида ҳисобга қўйилиши лозим.

Ҳудудий бўлинмаларнинг тегишли ҳудуддаги раҳбар органлари бўлинмаларнинг умумий йигилиши ҳисобланади.

Ҳудудий бўлинмаларнинг раҳбар органи бўлган бўлинмаларнинг умумий йигилиши таркиби тегишли бўлинманинг фаолият кўрсатиш ҳудудидаги Уюшма аъзоларидан таркиб топади.

Ҳудудий бўлинмаларнинг умумий йигилиши бир йилда камида бир марта Уюшманинг раҳбар органлари ёки бўлинма раҳбари томонидан чақирилади ҳамда унинг ваколатига конференцияга делегатлар сайлаш ва бошқа ваколатларни амалга ошириш киради.

Ҳудудий бўлинмалар қонун ҳужжутларига мувофиқ мол-мулкка эга бўлиши ва тегишли ҳудудда қонун ҳужжатларига мувофиқ Уюшманинг мақсад ва вазифаларини амалга ошириш ва бошқа ҳуқуқларга эга бўлади.

Ҳудудий бўлинмалар қонун ҳужжатларига риоя қилиш, Уюшма раҳбар органлари қарорларини бажариш ва бошқа мажбуриятларга эга бўлади.

Ҳудудий бўлинмаларини ташкил қилиш, қайта ташкил қилиш ва тугатиш тартиби, уларнинг ҳуқуқ ва мажбуриятлари, мол-мулкни бошқариш борасидаги ҳуқуқлари, уларнинг раҳбар органлари бўйича батафсил қоидалар бўлинмалар низомида белгиланади.

7.2. Ўзбекистон бариатрик ва метаболик хирурглар уюшмаси ҳудудий бўлинмалари ҳамда бошқа таркибий тузилмаларнинг мол-мулклари Ўзбекистон бариатрик ва метаболик хирурглар уюшмаси мулки ҳисобланади ҳамда улар Ўзбекистон бариатрик ва метаболик хирурглар уюшмаси мулки каби тасарруф қилинади.

## **VIII. УСТАВГА ЎЗГАРТИРИШ ВА ҚЎШИМЧАЛАР КИРИТИШ, УЮШМАНИ ҚАЙТА ТАШКИЛ ЭТИШ ВА ТУГАТИШ ТАРТИБИ**

8.1. Ўзбекистон бариатрик ва метаболик хирурглар уюшмаси уставига ўзгартириш ва қўшимчалар киритиш Конференция қарори асосида амалга оширилади.

8.2. Ўзбекистон бариатрик ва метаболик хирурглар уюшмаси уставига ўзгартириш ва қўшимчалар киритилгач Уюшма қайта рўйхатдан ўтказилиши лозим. Ўзбекистон бариатрик ва метаболик хирурглар уюшмаси уставига киритилган ўзгартириш ва қўшимчалар Уюшма қайта рўйхатдан ўтгач қонуний кучга эга бўлади.



8.3. Ўзбекистон бариатрик ва метаболик хирурглар уюшмаси фаолияти у Ўзбекистон Республикасининг Конституцияси ва қонун ҳужжатларини бузган тақдирда суд томонидан тўхтатиб қўйилиши мумкин.

8.4. Ўзбекистон бариатрик ва метаболик хирурглар уюшмасини қайта ташкил этиш Конференция қарорига биноан бирлашиш, қўшилиш, бўлиниш, ажралиб чиқиши ва ўзгартириш йўли билан амалга оширилади.

Ўзбекистон бариатрик ва метаболик хирурглар уюшмасини қайта ташкил этиш қонун ҳужжатларида назарда тутилган тартибда амалга оширилади.

8.5. Ўзбекистон бариатрик ва метаболик хирурглар уюшмасини тугатиш Конференция қарорига биноан ёки суд тартибida амалга оширилади.

8.6. Ўзбекистон бариатрик ва метаболик хирурглар уюшмасини тугатиш тўғрисида қарор қабул қилган орган Адлия вазирлиги билан келишган ҳолда тугатиш комиссиясини тайинлайди.

8.7. Ўзбекистон бариатрик ва метаболик хирурглар уюшмасини тугатиш қонун ҳужжатларида назарда тутилган тартибда амалга оширилади.

8.8. Ўзбекистон бариатрик ва метаболик хирурглар уюшмаси тугатилганда кредиторларнинг талаблари қондирилгандан кейин қолган молмулк Уюшма қатнашчилари (аъзолари), шунингдек раҳбар органларнинг аъзолари ёки Ўзбекистон бариатрик ва метаболик хирурглар уюшмаси ходимлари ўртасида тақсимланиши мумкин эмас ҳамда ундан устав мақсади йўлида ёки хайрия мақсадларида фойдаланилади.

Устав қоидаларини Ўзбекистон Республикаси норматив-ҳуқуқий ҳужжатларига зид тарзда талқин қилиш мумкин эмас ҳамда устав қоидаларининг Ўзбекистон Республикаси норматив-ҳуқуқий ҳужжатларига зид тарзда ифода қилинган бандлари ҳақиқий эмасдир.

**Ўзбекистон бариатрик  
ва метаболик хирурглар  
уюшмаси раиси**



О. Тешаев

